



## **KENYATAAN MEDIA**

### **MALAYSIA MENGEKAM SERANGAN ISRAEL KE ATAS ANGGOTA UNIFIL**

1. Penglibatan pasukan Batalion Malaysia (MALBATT) 850-11 adalah di bawah panji-panji dan mandat Pertubuhan Bangsa-Bangsa Bersatu (PBB). Tugas dan tanggungjawab mereka adalah tertakluk kepada protokol dan peraturan yang telah ditetapkan oleh Pasukan Interim PBB di Lubnan (UNIFIL).
2. Israel mesti menghormati mandat tersebut dan tidak mengheret UNIFIL ke kancah konflik Israel – Hezbollah. Serangan ke atas anggota UNIFIL adalah serangan terhadap PBB dan masyarakat dunia. Ia adalah perbuatan yang melanggar segala norma undang-undang antarabangsa dan sangat tidak bertamadun.
3. Kementerian Pertahanan (MINDEF) akan mematuhi segala ketetapan dan keputusan yang diputuskan oleh UNIFIL dan PBB tentang peranan UNIFIL selanjutnya di Lubnan.
4. MINDEF melalui Kementerian Luar Negeri akan berhubung dengan PBB melalui saluran yang ditetapkan bagi memastikan keselamatan pasukan pengaman Malaysia berada dalam keadaan yang baik dan bertugas selari dengan mandat yang diperuntukkan.
5. MINDEF akan terus memantau dengan dekat perkembangan terkini di Lubnan. Tindakan seterusnya akan diputuskan oleh Kerajaan setelah berbincang dengan UNIFIL dan PBB.

**DATO' SERI MOHAMED KHALED BIN NORDIN**

**MENTERI PERTAHANAN MALAYSIA**

**14 OKTOBER 2024**